

新纂雲南通志

第九
函十冊

新纂雲南通志卷一百二十九目錄

軍制考三

清代軍制二

練軍

防營

團練

土兵

新纂雲南通志卷一百二十九

軍制考三

清代軍制二

練軍

光緒元年總督岑毓英奏准抽調綠營馬步戰兵設立練軍並奏設雲南全省善後局統籌全省餉糈軍裝軍械設營務處執掌監察營伍及編制銓敘賞罰各事務

奏略臣前奏請易勇爲兵規復營制於同治十二年十二月二十六日准軍機大臣字寄奉上諭著將現在各營勇丁分別遣留所留各勇准其充補兵額等因欽此當經督飭各鎮將欽遵辦理節據該鎮將等呈稱遵將各勇營全行裁撤後即挑留精壯勇丁補足綠營兵額造具花名清冊加具連環保結陸續呈送前來已將兵冊送部備查在案自上年正月至今並未月設勇營緝捕防邊均係調用制兵惟營制舊弊亟應認真剔除以期兵歸實用餉不虛糜臣現與藩司潘鼎新等熟商仿照直隸等省設立練軍將督標三營撫標二營雲南城守營楚雄協曲尋協武定營潞江營元新營額設守兵全數留守城池汛地額設馬步戰兵抽調九成共合四千一百八十名在省紮營臣親督操練如遇邊防有警即分派應援又將提標三營大理城守營鶴麗鎮永昌協維西協永北營景蒙營額設守兵全數留守城池汛地額設馬步戰兵酌量抽調共合二千六百名交署提督楊玉科統帶駐紮騰越操練防邊騰越鎮額設馬步戰守兵共二千零六十一名順雲協額設馬步戰守兵共一千四百八十名龍陵營額設馬步戰守兵共八百八

十六名及移駐喇鷄鳴之劍川營額設馬步戰守兵共四百一十名均因地處極邊一概留營分布防守至開化臨安防堵越南一面將該二鎮兵丁全留本營責成署總兵張保和何秀林督帶操防另由廣南營廣西營尋甯營共抽調馬步戰兵六百名交署開化鎮總兵張保和統帶操練添助防守此外如昭通鎮四營東川營鎮雄營有分戍金沙江堵禦巴蠻之責普洱鎮三營威遠營距省較遠該處匪連南掌國亦須防備卽責成署總兵吳永安楊國發就近查點操練毋庸抽調來省其由外營調省調邊之兵餉銀均劃出分發本營口糧支給家屬格外按名給口糧米一京升以示體恤如撤回卽行停止所有營伍事件尙須量爲變通者容俟查核妥議另行具奏奉旨知道了欽此

光緒二年總督劉長佑奏調楚軍王武楚寶迪字等三營來滇將原有戰兵裁去一成撥發楚軍各營餉項並將七千三百名練軍酌留四千五百名編爲十二營嗣以軍務廳定餉需不繼復奏將楚軍迪字楚寶二營暨提標中右兩營裁去

奏略滇省防軍不敷分布擬減玉武營楚勇薪糧改設兩營練軍以資撙節而慎邊防恭摺仰祈聖鑒事竊查滇省練軍原設七千三百名臣長佑於光緒二年酌留四千五百名編爲十二營合之調募迪字楚寶玉武三營暨提督中右兩營各楚勇擇要分布足資防備嗣以軍務廳定餉需不繼臣等督同司道會議將迪字楚寶兩營提標兩營先後奏請裁撤惟玉武一營留駐昭通亦經奏明俟江防稍鬆卽行裁撤並行善後總局查照辦理各在案茲據總局司道詳稱遵查滇省原留練軍所以補制兵之不足也原調楚勇所以補練軍之不足也今練軍分駐各處洵爲因地設防之計而楚勇悉數裁撤實乏隨時策應之師且查昭通府屬之鎮雄州界連川黔桶匪會匪特爲狡窟順寧府屬之雲州界連緬甸野夷土目勾結連寇逞伏靡常均應派營捕防方昭周密初以騰越新復留防練軍二營尙可兼顧順寧一路後因提標楚勇裁撤已於該處抽派一營填紮大理矣昭通原有副左練軍一營然距鎮雄太遠又須兼顧江防矣此外所設練軍僅備各處不虞實屬無可抽調至玉武營楚勇於光緒二年到滇三年派往昭通勦辦大

關匪徒旋因巴蠻滋事派往金沙江防勦均資得力茲以江防稍鬆議將該營楚勇一併裁撤實爲撙節餉精起見然如鎮雄雲州等處情形喫重亦不能不先事綢繆擬請量爲變通裁減玉武營薪糧改設兩營練軍爲通籌並顧之計玉武營係楚軍營制原設五百人薪糧較優今照練軍章程改爲兩營共七百五十名核計月支銀米成數仍屬相當一俟改設成營即可分撥鎮雄雲州擇要駐紮則是加練而不加餉於邊防較爲周慎其不敷兩營人數及玉武營有不願改留或須選汰者均卽就地募補以符營制等情詳請核辦前來臣等覆加查核該司道所擬於慎重防務之中仍寓撙節餉精之意現在三迤邊防均關緊要似可照詳辦理俾臻周慎除將該營改設練軍名數及起支練餉日期咨部查核外所有滇省防軍不敷分布擬減玉武營楚勇薪糧改設練軍兩營緣由是否有當謹合詞恭摺具奏
伏乞皇太后皇上聖鑒訓示謹奏

光緒九年法人侵越總督岑毓英奏請選帶勁旅親率出關督師營號營制均以戰時情況及道路險夷酌定因地制宜隨時變更每營兵額遂有多至五六百名少至二三百名之等差爲戰時權宜計也至光緒十一年天津約定撤師回關總督岑毓英乃奏准將戰時各種兵勇分別汰留挑選精壯補還綠營舊制守兵留防汛地抽出馬步戰兵酌派大員統帶擇要駐防訓練時值中法戰後南防地多煙瘴滇人難耐特由戰兵內抽出七千五百名額以粵勇充補編爲綏

遠懷遠安邊忠字義字五號各設前後左右中五營營置前後左右中五哨每號以督帶一員領之撥歸開化臨元兩鎮節制分駐南防控御邊隘編制如下

綏遠督帶統轄本號前後左右中五營前營設管帶一員幫帶一員

哨官五員副哨五員

每哨戰兵六十名

營兵額設戰兵三百名後營左營右營中

營額設官兵仍同前營五營共設管帶五員幫帶五員哨官二十五員副哨二十五員戰兵一千五百名

懷遠督帶統轄本號前後左右中五營前營設管帶一員幫帶一員

哨官五員副哨五員

每哨戰兵六十名

營共額設戰兵三百名後營左營右營中

營額設官兵仍同前營五營共設管帶五員幫帶五員哨官二十五員副哨二十五員戰兵一千五百名

安邊督帶統轄本號前後左右中五營前營設管帶一員幫帶一員

哨官五員副哨五員

每哨戰兵六十名

營共額設戰兵三百名後營左營右營中

營額設官兵仍同前營五營共設管帶五員幫帶五員哨官二十五員副哨二十五員戰兵一千五百名

忠字督帶統轄本號前後左右中五營前營設管帶一員幫帶一員

哨官五員副哨五員

每哨戰兵六十名

營共額設戰兵三百名後營左營右營中

營額設官兵仍同前營五營共設管帶五員幫帶五員哨官二十五員副哨二十五員戰兵一千五百名

義字督帶統轄本號前後左右中五營前營設管帶一員幫帶一員

哨官五員副哨五員

每哨戰兵六十名

營共額設戰兵三百名後營左營右營中

營額設官兵仍同前營五營共設管帶五員幫帶五員哨官二十五

員副哨二十五員戰兵一千五百名

光緒十一年總督岑毓英奏設臨元鎮標前營一營開化鎮標後營一營其臨元前營駐紮蒙自縣城開化後營駐紮開化府城並將開化中營移駐馬白關每年春冬兩季臨元鎮總兵駐蒙自縣城開化鎮總兵駐馬白關夏秋兩季臨元鎮總兵駐臨安府城開化鎮總兵駐開化府城所添臨元前營開化後營編制如下

臨元鎮標前營設游擊一員守備一員千總二員把總四員外委六員額外四員馬戰兵三十名步戰兵二百二十一名守兵三百零四名

開化鎮標後營設游擊一員守備一員千總二員把總四員外委六員額外四員馬戰兵三十名步戰兵二百二十一名守兵三百零四

名師帥三員彈丸二百各三營共需營帶兼中印官三員大印官三

光緒十三年保黑山卡保野夷作亂總督岑毓英奏派署提督蔡標率師勦平闢地千餘里奏設鎮邊一營駐防鎮攝編制如下

鎮邊營設參將一員中軍兼左軍守備一員千總一員把總三員外委四員額外四員左右兩軍各設馬戰兵五十名步戰兵四百一十六名守兵五百五十四名總共二千零四十名歸普洱鎮總兵節制光緒十四年總督岑毓英因鄰省協餉不至庫款支絀奏准將全省馬步戰兵二千三百七十七名全數暫缺並裁去全省守兵五成八千九百八十二名共缺戰守兵一萬二千三百五十九名每年節省餉銀五十餘萬兩

以上光緒志採訪

防營

光緒十六年總督王文韶巡撫譚鈞培奏准將挑練戰兵變去綠營名號改爲防軍土勇共編綏靖建威騰永鎮東鎮北開昇臨平普定順義九號每號各轄防軍五營土勇三營並將南防舊設之綏遠安邊兩號裁去改編爲鎮遠一營又原駐南防之懷遠忠字義字三號每號裁去二營各留三營以鎮遠一營忠字三營編爲防軍懷遠義字各三營編爲土勇編制如下

綏靖防軍各營每營設管帶一員幫帶兼中哨官一員前後左右哨官四員副哨五員戰兵三百名五營共設管帶五員幫帶兼中哨官五員前後左右哨官二十員副哨二十五員戰兵一千五百名

綏靖土勇各營每營設管帶兼中哨官一員左哨官一員右哨官一員副哨三員戰兵二百名三營共設管帶兼中哨官三員左哨官三

員右哨官三員副哨九員戰兵六百名

建威防軍各營每營設管帶一員幫帶兼中哨官一員前後左右哨官四員副哨五員戰兵三百名五營共設管帶五員幫帶兼中哨官五員前後左右哨官二十員副哨二十五員戰兵一千五百名

建威土勇各營每營設管帶兼中哨官一員左哨官一員右哨官一員副哨三員戰兵二百名三營共設管帶兼中哨官三員左哨官三員右哨官三員副哨九員戰兵六百名

騰永防軍各營每營設管帶一員幫帶兼中哨官一員前後左右哨官四員副哨五員戰兵三百名五營共設管帶五員幫帶兼中哨官五員前後左右哨官二十員副哨二十五員戰兵一千五百名

騰永土勇各營每營設管帶兼中哨官一員左哨官一員右哨官一

員副哨三員戰兵二百名三營共設管帶兼中哨官三員左哨官三員右哨官三員副哨九員戰兵六百名

鎮東防軍各營每營設管帶一員幫帶兼中哨官一員前後左右哨官四員副哨五員戰兵三百名五營共設營帶五員幫帶兼中哨官五員前後左右哨官二十員副哨二十五員戰兵一千五百名
鎮東土勇各營每營設管帶兼中哨官一員左哨官一員右哨官一員副哨三員戰兵二百名三營共設管帶兼中哨官三員左哨官三員右哨官三員副哨九員戰兵六百名

鎮北防軍各營每營設管帶一員幫帶兼中哨官一員前後左右哨官四員副哨五員戰兵三百名五營共設管帶五員幫帶兼中哨官五員前後左右哨官二十員副哨二十五員戰兵一千五百名

鎮北土勇各營每營設管帶兼中哨官一員左哨官一員右哨官一員副哨三員戰兵二百名三營共設管帶兼中哨官三員左哨官三員右哨官三員副哨九員戰兵六百名

開昇防軍各營每營設管帶一員幫帶兼中哨官一員前後左右哨官四員副哨五員戰兵三百名五營共設管帶五員幫帶兼中哨官五員前後左右哨官二十員副哨二十五員戰兵一千五百名

開昇土勇各營每營設管帶兼中哨官一員左哨官一員右哨官一員副哨三員戰兵二百名三營共設管帶兼中哨官三員左哨官三員右哨官三員副哨九員戰兵六百名

臨平防軍各營每營設管帶一員幫帶兼中哨官一員前後左右哨官四員副哨五員戰兵三百名五營共設管帶五員幫帶兼中哨

官五員前後左右哨哨官二十員副哨二十五員戰兵一千五百名
臨平土勇各營每營設管帶兼中哨官一員左哨官一員右哨官一
員副哨三員戰兵二百名三營共設管帶兼中哨官三員左哨官三
員右哨官三員副哨九員戰兵六百名

普定防軍各營每營設管帶一員幫帶兼中哨官一員前後左右哨
哨官四員副哨五員戰兵三百名五營共設管帶五員幫帶兼中哨
官五員前後左右哨哨官二十員副哨二十五員戰兵一千五百名
普定土勇各營每營設管帶兼中哨官一員左哨官一員右哨官一
員副哨三員戰兵二百名三營共設管帶兼中哨官三員左哨官三
員右哨官三員副哨九員戰兵六百名

順義防軍各營每營設管帶一員幫帶兼中哨官一員前後左右哨

哨官四員副哨五員戰兵三百名五營共設管帶五員幫帶兼中哨官五員前後左右哨哨官二十員副哨二十五員戰兵一千五百名順義土勇各營每營設管帶兼中哨官一員左哨官一員右哨官一員副哨三員戰兵二百名三營共設管帶兼中哨官三員左哨官三員右哨官三員副哨九員戰兵六百名

光緒二十六年義和團之亂總督崧蕃抽調防軍萬人編爲錦字柱字衡字綱字元字五號每號統轄五營北上勤王旋和議告成僅錦字五營到達山西餘尙未開拔遂令仍還防營建制
光緒二十八年總督魏光燾奉諭將綠營官兵先由千把總酌量情形緩急陸續裁撤遺出餉銀移作改練新軍之用

光緒二十九年鎮邊卡匪臨安廠匪廣南游匪相繼作亂總督魏光

燾挑選防軍編爲靖南十五營達字十營柱字信字樹字各五營分頭勦辦事平仍各還建制

光緒三十年總督丁振鐸奏准變去防軍土勇名稱一律改爲巡防隊編成南防開廣邊防普防江防西防鐵路等六號南防西防兩號各編十營開廣邊防普防江防鐵路四號每號各編五營共編四十營按號分區駐防各負綏靖責任編制如下

巡防隊各營每營設管帶一員督操官兼中哨官一員前後左右哨官四員副哨官五員什長隊兵共三百五十名

南防巡防隊十營共設管帶十員督操官兼中哨官十員前後左右哨官共四十員副哨官共五十員什長隊兵共三千五百名

西防巡防隊十營共設管帶十員督操官兼中哨官十員前後左右

哨哨官共四十員副哨官共五十員什長隊兵共三千五百名
開廣邊防巡防隊五營共設管帶五員督操官兼中哨官五員前後
左右哨哨官共二十員副哨官共二十五員什長隊兵共一千七百
五十名

普防巡防隊五營共設管帶五員督操官兼中哨官五員前後左右
哨哨官共二十員副哨官共二十五員什長隊兵共一千七百五十
名

江防巡防隊五營共設管帶五員督操官兼中哨官五員前後左右
哨哨官共二十員副哨官二十五員什長隊兵共一千七百五十名
鐵路巡防隊五營共設管帶五員督操官兼中哨官五員前後左右
哨哨官共二十員副哨官二十五員什長隊兵共一千七百五十名